

- Cant. 16. Non perfoditur illa Amoris spiculis, quae exhilaratur, o amica, ab illo,
 32. qui, agresti corolla cinctus, vultu nitet pulcro, tanquam aquigeno flore expanso.
 33. Non uritur illa vento e Malaya spirante, quae exhilaratur, o amica, ab illo, qui, agresti corolla cinctus, vocem modulatur dulciorem melle nectaris.
 34. Non volutatur illa, radio lunae conspecto, quae exhilaratur, o amica, ab illo, qui, agresti corolla cinctus, manus pedesque nactus est splendentes tanquam terrigenas nymphaeas.
 35. Non perforatur nimio destitutionis dolore cor eius, quae exhilaratur, o amica, ab illo, qui, agresti corolla cinctus, nitet, ceu nubes, quae oritur aquis dives.
 36. Non gemit illa ob risum amicarum, quae exhilaratur, o amica, ab illo, qui, agresti corolla cinctus, vestes induit fulgentes instar auri, lapidi Lydio appositi. *Indubitanter*
 37. Non secum trahit febrim illa, quae exhilaratur, o amica, ab eo, qui, agresti corolla cinctus, in universo mundo omnium iuvenum est praestantissimus, summo opere misericors.
 38. Hoc sermone a pio Jayadēva recitato, intret animum etiam Hares; illa exhilaratur, o amica, ab eo, qui agresti corolla cinctus est.
 39. Eheu, vente, Santali fragrantiam spirans, Amorem, incorporeum deum, delectans, propitiare; dimitte, o probe, perversitatem; per momentum tantum temporis si Mādhavam coram me posueris, o spirite mundorum, spiritum meum, age, auferas.
 40. Quo digresso, consociatio cum amicabus instar hostis, frigidus ventus instar flammae, radius lunae nectareus instar veneni, mentem meam angit, ad eum misericordiae inopem iterum cor meum, quasi vi quadam, attrahitur. Certe amor crudelis volens est puellarum tyrannus.
 41. Morbo afficias, vente Malayensis, animam auferas, sagittifer quincuplex; domum profecto ego non revisam; cur tibi misericordia est, o soror fati, Yamuna? membra inunda flumine, ut sedetur corporis incendium.
 42. Veneramur ad malorum depulsionem nymphaeam pedis almi Govindae, pedis, in quo apes illustrantur a sapphiris frontalibus congregatorum coelicolarum, Indrae ceterorumque, laetitia ovantium et more venerabundorum alacriter prostratorum, pedis, qui sponte inundante amoena melliflua Mandâkinidos lymphâ tingitur.